

§ 1. კონკურსის მიზანი

1. კონკურსის მიზანია თსუ-ს საზოგადოებასთან ურთიერთობის დეპარტამენტის მთავარი სპეციალისტისა და სპეციალისტის თანამდებობებზე დასანიშნ პირთა შერჩევა;
2. კონკურსის ორგანიზებულად ჩატარების მიზნით იქმნება საკონკურსო კომისია. კომისიის ფუნქციაა კონკურსანტის პროფესიული ცოდნის, ჩვევების, კვალიფიკაციის, შესაძლებლობებისა და პირადი თვისებების ვაკანტურ თანამდებობასთან შესაბამისობის შეფასება და შესაბამისი დასკვნის წარდგენა;

§ 2. საკონკურსო კომისიის შემადგენლობა

1. საკონკურსო კომისიის შემადგენლობაში შედიან კომისიის თავმჯდომარე და კომისიის წევრები;

§ 3. კომისიის სხდომა

1. საკონკურსო კომისიის სხდომა უფლებამოსილია თუ მას ესწრება კომისიის წევრთა ნახევარზე მეტი;
2. თსუ-ს საზოგადოებასთან ურთიერთობის დეპარტამენტის მთავარი სპეციალისტისა და სპეციალისტის თანამდებობებზე შერჩევას ახორციელებს საკონკურსო კომისია;

§ 4. კონკურსანტის შეფასება

1. კონკურსი ტარდება ორ ეტაპად. მეორე ეტაპზე გასვლის უფლება ეძლევა მხოლოდ იმ კანდიდატს, რომელიც წარმატებით გადალახავს კონკურსის პირველ ეტაპს;
2. თსუ-ს საზოგადოებასთან ურთიერთობის დეპარტამენტის მთავარი სპეციალისტისა და სპეციალისტის თანამდებობებზე შერჩევა ხორციელდება კანდიდატების მიერ წარმოდგენილი საბუთების შემოწმებისა და გასაუბრების შედეგების მიხედვით;

§ 5. საბუთების შემოწმება

1. კონკურსის პირველ ეტაპზე საკონკურსო კომისია ადგენს კონკურსანტის მიერ წარმოდგენილი დოკუმენტაციის შესაბამისობას საკონკურსო მოთხოვნებთან და აძლევს შეფასებას დადგენილი კრიტერიუმების შესაბამისად (ფორმა №1);
2. ამ პარაგრაფის პირველ პუნქტში მითითებული შემოწმების შედეგად არაღმარაგად მიჩნეული შეფასების მქონე კონკურსანტი კარგავს კონკურსის მომდევნო ეტაპზე გასვლის უფლებას და ეთიშება კონკურსს;

§ 6. გასაუბრება

1. კონკურსის მეორე ეტაპზე საკონკურსო კომისია გასაუბრების გზით ადგენს კანდიდატის პროფესიულ ჩვევების, შესაძლებლობისა და პიროვნული თვისებების დასაკავებელი თანამდებობისათვის წაყენებულ საკვალიფიკაციო მოთხოვნებთან შესაბამისობას. კონკურსანტის შეფასება ხორციელდება დადგენილი კრიტერიუმის შესაბამისად (ფორმა № 2);
2. დადებითი შეფასების მისაღებად კონკურსანტმა უნდა გადალახოს მე-7 პარაგრაფის მეოთხე პუნქტით დადგენილი მინიმალური ზღვარი;

§ 7. კომისიის მიერ გადაწყვეტილების მიღების წესი

1. საკონკურსო კომისია კანდიდატების საბუთების შემოწმების და გასაუბრების შემდეგ იმსჯელებს და გამოიტანს გადაწყვეტილებას;
2. კომისია გადაწყვეტილების მიღებისას ხელმძღვანელობს ვაკანტური თანამდებობის დასაკავებლად დადგენილ მოთხოვნებთან კანდიდატის შესაბამისობის შეფასებით, მის მიერ კონკურსის თითოეული საფეხურის გავლისას მიღებული შედეგების გათვალისწინებით;
3. კონკურსანტთა შეფასება ხდება 100 ქულიანი სისტემით (ფორმა №2);
4. დადებითი შეფასების მისაღებად კონკურსანტმა უნდა გადალახოს 75 ქულა;

§ 8. დაგები კონკურსთან დაკავშირებით

1. დაგები, რომლებიც წარმოიშობა კონკურსანტთან დაკავშირებით, წყდება საქართველოს კანონმდებლობის შესაბამისად;
2. საკონკურსო კომისიის მიერ მიღებულ გადაწყვეტილებასთან დაკავშირებით წარმოშობილი დაგების განხილვის მიზნით იქმნება სააპელაციო კომისია;
3. სააპელაციო კომისია გადაწყვეტილებას იღებს ამ დოკუმენტის § 5 და § 6-ით დადგენილი კრიტერიუმების გათვალისწინებით, საკონკურსო კომისიის მიერ მიღებული გადაწყვეტილებების გადამოწმების საფუძველზე;

ფორმა №1

წარმოდგენილი დოკუმენტაციის შეფასება

ძირითადი კრიტერიუმები

№	კრიტერიუმი	შეფასების საფუძველი	შეფასება
1.	კვალიფიკაცია	კვალიფიკაციის ამსახველი დოკუმენტები	დამაკმაყოფილებელი / არადამაკმაყოფილებელი
2.	გამოცდილება	შრომითი გამოცდილების ამსახველი დოკუმენტები	დამაკმაყოფილებელი / არადამაკმაყოფილებელი
3.	მოტივაცია/სამოქმედო გეგმა	კანდიდატის მიერ წარმოდგენილი დოკუმენტი	დამაკმაყოფილებელი / არადამაკმაყოფილებელი
4.	საქმიანი რეპუტაცია	შრომითი გამოცდილების ამსახველი დოკუმენტები, რეკომენდაციები; იმ ორგანიზაციის/ორგანიზაციების რეპუტაცია, სადაც იგი დასაქმებული იყო. ორგანიზაციის რეპუტაციის გათვალისწინებით, იმ პოზიციის ადეკვატურად, რომელიც მასში ეკავა კანდიდატს.	დამაკმაყოფილებელი / არადამაკმაყოფილებელი

ფორმა №2

გასაუბრება

ძირითადი კრიტერიუმები

№	კრიტერიუმი	შეფასების საფუძველი	შეფასების ქულა
1	პროფესიული კომპეტენცია	გასაუბრება, კვალიფიკაციისა და შრომითი გამოცდილების ამსახველი დოკუმენტები	0-30
2	მოტივაცია/სამოქმედო გეგმა	გასაუბრება	0-30
3.	ზოგადი უნარ-ჩვევები (ანალიზი, სიტუაციის ადეკვატურად შეფასება, რეაგირების სისწრაფე და სხვა)	გასაუბრება	0-20
4.	პიროვნული თვისებები (ურთიერთობისა და მეტყველების კულტურა	გასაუბრება	0-20